

SYARAT-SYARAT PERMOHONAN

PROGRAM HADIAH LATIHAN PERSEKUTUAN SESI 2022

PEGAWAI PERKHIDMATAN GUNASAMA

Pegawai Perkhidmatan Gunasama bermaksud perkhidmatan yang Ketua Perkhidmatannya ialah Ketua Pengarah Perkhidmatan Awam (KPPA). Skim perkhidmatan yang terlibat ialah **Pegawai Tadbir dan Diplomatik, Pegawai Latihan Vokasional, Pegawai Psikologi dan Guru Bahasa (INTAN)**.

PEGAWAI PERKHIDMATAN BUKAN GUNASAMA

Pegawai Perkhidmatan Bukan Gunasama bermaksud pegawai-pegawai dalam perkhidmatan **selain daripada Skim Perkhidmatan Gunasama**.

1. **Syarat Umum**

Pegawai-pegawai hendaklah mempunyai pengetahuan, kemahiran, pengalaman, minat dan perwatakan/ sikap yang sesuai bagi menentukan kejayaan dalam pengajian dan seterusnya berupaya memberi sumbangan ke arah meningkatkan keberkesanan perkhidmatan dan organisasi. Pegawai juga hendaklah mempunyai kelayakan Ijazah Pertama yang diiktiraf atau kelayakan yang setaraf dengannya.

2. **Syarat Khusus**

- (i) Pegawai **Kerajaan Kumpulan Pengurusan dan Profesional** yang sedang berkhidmat dalam perkhidmatan tetap;
- (ii) Telah **disahkan dalam skim perkhidmatan terkini** pada tarikh tutup permohonan;
- (iii) Mencapai **purata markah Laporan Nilai Prestasi Tahunan (LNPT) 85% ke atas** bagi tempoh **tiga (3) tahun berturut-turut** (2018, 2019 & 2020) dalam **skim perkhidmatan terkini**. Penilaian setahun LNPT hendaklah **genap 12 bulan**;
- (iv) Pada **1 Januari 2022**, pegawai mestilah berumur tidak melebihi **45 tahun** bagi pengajian peringkat **Ijazah Kedoktoran (Ph.D)** dan tidak melebihi **50 tahun** bagi pengajian peringkat **Ijazah Sarjana**;

LAMPIRAN 1

- (v) **Tempoh perkhidmatan minimum** pegawai pada tarikh tutup permohonan (**16 April 2021**) adalah seperti berikut:

Peringkat Pengajian Yang Dipohon	Skim Perkhidmatan	
	Pegawai Tadbir dan Diplomatik	Skim-Skim Perkhidmatan Lain
Ijazah Sarjana	8 tahun ke atas	
Ijazah Kedoktoran	Gred M48 ke atas	9 tahun ke atas

- (vi) Mematuhi syarat genap tempoh tamat mengikuti kursus jangka panjang/pendek seperti berikut:

Tempoh Kursus	Tempoh Menunggu (pada 1 Januari 2021)
Lebih daripada 12 bulan	2 tahun
Lebih daripada 3 bulan dan kurang daripada 12 bulan	1 tahun
Kurang daripada 3 bulan	Tiada

- (vii) Bersih daripada pertuduhan/tindakan tatatertib dan bebas daripada dakwaan Mahkamah;
- (viii) Telah mengisytiharkan harta;
- (ix) Tidak tersenarai dalam senarai hitam pinjaman atau biasiswa JPA;
- (x) Pegawai bebas daripada sebarang penyakit kronik (**LAMPIRAN 3**);

*Ahli keluarga pemohon yang dibawa bersama (**sekiranya ditawarkan pengajian di luar negara**) juga perlu bebas daripada sebarang penyakit kronik.

- (xi) **Masih belum mendapat tempat di mana-mana institusi pengajian tinggi** sama ada di luar atau dalam negara;

atau

Telah mendapat tempat pengajian tetapi belum memulakan pengajian di mana-mana institusi pengajian tinggi sama ada di luar atau dalam negara;

atau

Bagi calon Ijazah Kedoktoran sahaja - Telah memulakan pengajian pada tahun penawaran dibuka dengan syarat pemohon perlu **memohon penangguhan pengajian** daripada universiti bagi mengikuti Kursus Persediaan Kedoktoran (Ph.D) yang ditetapkan JPA;

*Tawaran HLP akan **terbatal** sekiranya pegawai gagal mengikuti Kursus Persediaan Kedoktoran (Ph.D).

- (xii) Pemohon Program HLP JPA di peringkat Ijazah Sarjana untuk bidang pengajian **Ekonomi, Kaunseling dan Psikologi hendaklah mempunyai latar belakang akademik** di peringkat ijazah pertama dalam bidang-bidang tersebut; dan
- (xiii) Menyediakan Kertas Cadangan Penyelidikan/Pengajian (dalam Bahasa Melayu atau Bahasa Inggeris) mengikut garis panduan seperti di **LAMPIRAN 4** berdasarkan pilihan bidang pengajian yang ditaja seperti senarai di **LAMPIRAN 5**.

3. Peringkat Pengajian

Dua (2) peringkat pengajian ditawarkan bagi HLP Sesi 2022 iaitu:

- (i) **Ph.D** - universiti luar dan dalam negara; dan
- (ii) **Sarjana** - universiti luar dan dalam negara.

*Pegawai yang pernah ditaja di bawah Program HLP JPA ke luar negara di peringkat Ijazah Sarjana hanya dibenarkan untuk memohon pengajian di dalam negara bagi penawaran Program HLP JPA di peringkat Ijazah Kedoktoran.

*Pengajian secara Kerja Kursus (*Coursework*) di peringkat Ijazah Sarjana perlu melibatkan sekurang-kurangnya enam (6) jam kredit dalam bentuk tesis, disertasi atau kertas projek penyelidikan.

4. Institusi Pengajian

Pegawai perlu memilih institusi pengajian mengikut kategori yang ditetapkan seperti berikut:

(i) Luar Negara

- (a) Senarai *Type A* dan *Type B* di dalam Top Global Universities (The Top Global University Project) bagi pengajian di Jepun;

(b) Senarai kedudukan 100 teratas secara keseluruhan atau 10 teratas mengikut bidang di dalam The Times Higher Education (THE) World University Rankings; atau

(c) Senarai kedudukan 100 teratas secara keseluruhan atau 10 teratas mengikut bidang di dalam Quacquarelli Symonds (QS) World University Rankings.

(ii) **Dalam Negara**

Universiti Awam (UA) dan Institut Pengajian Tinggi Swasta (IPTS) seperti di **Lampiran 6**.

5. **Ujian Khas**

Pemohon yang melepasi saringan awal adalah **diwajibkan** untuk menduduki Ujian Khas secara *online* pada tarikh yang akan dimaklumkan kelak. Ujian ini hanya boleh **diduduki dalam tempoh ditetapkan sahaja** dan kegagalan untuk berbuat demikian akan menjejaskan peluang penawaran HLP JPA.

6. **Kemudahan**

Pegawai Perkhidmatan Awam Persekutuan yang berjaya dipilih akan ditawarkan **Hadiah Latihan Persekutuan dengan Cuti Belajar Bergaji Penuh**. Bagi Pegawai Badan Berkanun Persekutuan yang berjaya dipilih pula akan ditawarkan Hadiah Latihan Persekutuan tertakluk kepada kelulusan Cuti Belajar Bergaji oleh **pihak berkuasa melulus** masing-masing.

7. **Ujian Bahasa Inggeris**

Pemohon yang berjaya ditawarkan kemudahan Program HLP JPA **dalam negara tidak perlu mengambil ujian Bahasa Inggeris**. Keperluan untuk mengambil ujian Bahasa Inggeris hanya **diwajibkan kepada pemohon yang berjaya ditawarkan Program HLP JPA ke luar negara sahaja**. Pemohon hendaklah telah lulus ujian Bahasa Inggeris semasa mengemukakan permohonan dengan memperolehi skor minimum seperti berikut:

- (a) IELTS : Band 6.5; atau
- (b) TOEFL : Internet Based: 92 point / Paper Based: 580 point

Walau bagaimanapun, bagi calon yang sedang menduduki ujian ini, semua slip keputusan perlu dikemukakan **semasa menghadiri temuduga**.

Hanya ujian Bahasa Inggeris yang diambil pada atau selepas **1 Januari 2021**

sahaja diambil kira bagi tujuan ini dan sebarang kos peperiksaan tidak akan ditanggung oleh Jabatan ini.

8. Ikatan Perjanjian Dengan Kerajaan

Pegawai-pegawai yang berjaya dikehendaki menandatangani perjanjian dengan Kerajaan dan pegawai adalah tertakluk kepada tempoh ikatan kontrak berkhidmat dengan Kerajaan dan tuntutan ganti rugi sekiranya melanggar syarat perjanjian.



JPA